



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

- Administrativna komisija Predstavničkog doma -
- Komisija za finacijske i administrativne poslove Doma naroda -

Broj: 01/4,02/3-011-382/'01
Sarajevo, 5. jula 2001.

Z A P I S N I K

s prve zajedničke sjednice Administrativne komisije Predstavničkog doma i
Komisije za finacijske i administrativne poslove Doma naroda,
održane 3. jula 2001.

Sjednica je počela s radom u 12 sati.

Sjednici su prisustvovali: Sead Avdić, Mirko Banjac, Adem Borić, Branislava Ferzanović, Nedžad Šašivarević (Administrativna komisija), Jerko Ivanković, Momčilo Novaković, Šefik Džaferović, Ilija Šimić, Munib Jusufović (Komisija za finacijske i administrativne poslove), te Vedran Hadžović, sekretar Zajedničke službe, Branka Todorović, sekretar Predstavničkog doma i Jadranko Tomić, sekretar Doma naroda.

Sjednicom su predsjedavali Sead Avdić i Jerko Ivanković, predsjedavajući komisija.

Za sjednicu je predložen i jednoglasno usvojen sljedeći

D n e v n i r e d:

1. Usklađivanje Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine;

2. Usklađivanje Odluke o izmjenama Pravilnika o plaćama i naknadama državnih službenika i namještenika u Sekretarijatu Parlamentarne skupštine Bosne i Hercegovine;

3. Druga pitanja

Ad. 1. Usklađivanje Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine

Uvodne napomene dao je Vedran Hadžović. Naglasio je da je neophodno rebalansom Budžeta za 2001. osigurati sredstva za finansiranje aktivnosti Parlamenta za koje su u prvih 6 mjeseci iskorištena sva sredstva planirana za 12 mjeseci. O eventualnom povećanju drugih zahtjeva, uključivši plaće i materijalne troškove, predložio je da se raspravlja po usvajanju rebalansa.

Nakon rasprave u kojoj su sudjelovali svi članovi komisije, obavljeno je glasanje po komisijama. Ukupnom većinom glasova i entitetskom većinom glasova usvojena je Odluka o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine, koja čini sastavni dio zapisnika.

Ad.2. Usklađivanje Odluke o izmjenama Pravilnika o plaćama i naknadama državnih službenika i namještenika u Sekretarijatu Parlamentarne skupštine Bosne i Hercegovine

Nakon rasprave, ukupnom većinom glasova i entitetskom većinom glasova usvojena Odluka o izmjenama Pravilnika o plaćama i naknadama državnih službenika i namještenika u Sekretarijatu Parlamentarne skupštine Bosne i Hercegovine, koja čini sastavni dio zapisnika.

Predsjedavajući Sead Avdić je insistirao da sredstva potrebna za isplate po ovoj odluci ne mogu preći nivo dosadašnjih isplaćivanih sredstava za tu namjenu.

Zaključeno je da savjetnici članova kolegija oba doma zasnivaju radni odnos na određeno vrijeme, ili ugovorom o djelu i imaju koeficijent 5,0.

Članovi kolegijâ će određivati koeficijent administrativno-tehničkim sekretarima po koeficijentu 2,5 – 2,8.

Ad.3. Druga pitanja

Predsjedavajući Sead Avdić informirao je o inicijativi delegata Dragutina Ilića da se poslanici i delegati Parlamentarne skupštine Bosne i Hercegovine uključe u akciju prikupljanja pomoći za postradale u poplavama u Bosni i Hercegovini.

Članovi komisija su se saglasili da se o ovoj inicijativi obavijeste delegati i poslanici.

Sjednica je završila rad u 14 sati.

PREDSJEDAVAJUĆI
KOMISIJE ZA FINACIJSKE I
ADMINISTRATIVNE POSLOVE
Jerko Ivanković

PREDSJEDAVAJUĆI
ADMINISTRATIVNE KOMISIJE
dr. Sead Avdić